



# Informacijski podsjetnik br. 1

## Kućna njega

---

Kome treba tretman ne mora to obavezno dobiti u nekoj stacionarnoj ustanovi - npr. u nekoj klinici. U brojnim slučajevima takav tretman se može pružiti i u kućnom okruženju preko ambulantnih službi. Zakonski temelji kućne njege bolesnika su regulirani u Socijalnom zakoniku (SGB ) V.

Kućna njega bolesnika sadrži osnovnu njegu i liječenje i pomoć u domaćinstvu (nabavku namirnica, kuhanje, pranje suđa, zamjena i pranje odjeće i veša i zagrijavanje kuće ili stana).

Osiguranici imaju pravo na kućnu njegu,

- ako bi bilo potrebno bolničko liječenje koje, međutim, nije provodivo ili ako se time može izbjeći ili skratiti stacionarno bolničko liječenje (njega za prevenciju bolničkog liječenja,)
- ako njega bolesnika treba osigurati cilj ljekarskog tretmana (njega u domaćinstvu),
- ako zbog teške bolesti ili akutnog pogoršanja neke bolesti, naročito nakon ambulantne operacije ili nakon ambulantnog bolničkog liječenja (njega s ciljem podrške nakon liječenja).

U okviru njege s ciljem podrške nakon liječenja osiguranici dobivaju potrebnu osnovnu njegu i pomoć u domaćinstvu (nabavku namirnica, kuhanje, pranje suđa, zamjena i pranje odjeće i veša i zagrijavanje kuće ili stana).

### Tretmanska njega

U ovo spadaju mjere njege koje provodi provjereno osoblje za njegu starih lica i bolesnika u saradnji s ordinirajućim ljekarom, kao npr.

- zamjena zavoja
- tretiranje rana
- injekcije
- čišćenje instrumenata i dodatna briga o pacijantima.

### Osnovna njega

U ovo se npr. ubrajaju

- pomoć kod oblačenja i kupanja te pomoć kod održavanja intimne higijene
- spremanje kreveta i spremanje u krevet
- Podrška u hranjenju
- pomoć kod ustajanja i hodanja
- sprečavanje stvaranja rana od ležanja (profilaksa dekubisa).

## **Pomoć u domaćinstvu**

Ona sadrži pomoć kod vođenja života i daljnjeg vođenja domaćinstva.

U ovo se ubrajaju

- čišćenje stana
- nabavka ogrevnog materijala, grijanje stana
- čišćenje i održavanje rublja i odjeće
- priprema obroka

Osobe na koje se ovo odnosi mogu dobiti usluge kućne njege ako nisu u stanju provoditi potrebne mjere njege i to takođe ne može preuzeti osoba koja živi s njima u domaćinstvu.

Za usluge pomoći kućne njege bolesnika se od zavoda zdravstvenog osiguranja uzima doplata u visini od 10,- € po receptu. Osim toga osiguranik sam snosi 10% troškova te mjere - za najduže 28 dana po kalendarskoj godini

Za osiguranike koji su oslobođeni doplate na recept ili ako je usljed trudnoće i poroda potrebna kućna njega, otpadaju ovi vlastiti udjeli.

Kućna njega bolesnika se pruža kao prirodna usluga. To znači, da za to angažirana služba njege svoju uslugu direktno obračunava sa zavodom zdravstvenog osiguranja. Kućnu njegu bolesnika smiju pružati službe za njegu bolesnika koje se zaključile odgovarajući ugovor o pružanju takvih usluga sa zavodom zdravstvenog osiguranja.

### **PAŽNJA:**

Prije nego što neka služba za pružanje usluga njege preuzme pružanje kućne njege bolesnika, mora postojati pristanak za preuzimanje troškova zavoda zdravstvenog osiguranja za mjere navedene u receptu.

Ukoliko je usljed usluga kućne njege bolesnika nemoguća dovoljna njega u vlastitom domu, osiguranik može uzeti kratkotrajnu njegu kao uslugu zakonskog zdravstvenog osiguranja u nekoj odgovarajućoj zdravstvenoj ustanovi. Zdravstveno osiguranje preuzima troškove kratkotrajne njege do ukupnog iznosa od 1.612 € (ograničeno na 56 dana po kalendarskoj godini).

Ukoliko pacijenti već imaju davanja njegovateljskog osiguranja, mora se uzeti kratkotrajna njega u tom okviru. (vidi za ovo Informacijski podsjetnik br. 8)

**Rado će Vam dati savjet saradnici i saradnice Odjela za pružanje njege**

**[www.pflegestuetzpunkteberlin.de](http://www.pflegestuetzpunkteberlin.de)**

Nosioci Odjela za pružanje njege su berlinski zavodi za njegu i Pokrajina Berlin